

Sikũn Juãw

Juãw kot Jejus kôt hkwýjê hwýr wam kagà nê mẽnh kôt hõ mẽnh

Juãw na pre kagàja nhĩpêx. Jejus nhỹ hã hkrajê jahkre ho ri pa xwýnhjê hõ na pre. Jakamã na pre hkrĩ hõ kamã Kris kôt htõx mẽ õ fãmii mã kagàja nhĩpêx nê mẽ hwýr kumê. Na pre hte Tĩrtũm kapêr o mẽ hêx o pa xwýnhjê hõ mẽ õ krĩ hwýr mra nhũm Juãw kràmnhwý nita omu nê htýx kot mẽ ahkre mex ã hkamnhĩx. Hãmri nê kot Tĩrtũm kapêr o hkwýjê jahkre kaxyw amnhĩ nhõrkwỹ hwýr kuwý. Hãmri nhũm Juãw tee ri harênh ma nê kãm kagàja nhĩpêx nê kamã kot amnhĩ wýr hwýr nê kãm kapêr nê hprĩ hã kãm tanhmã mẽ kot Tĩrtũm o hêx to ho pa hã tanhmã mẽ harênh to. Kot kamã harênh nê mẽ harênh mar hãmri nê mẽ axkãm hamak rom nê ri pa kaxyw. ã na pre Juãwja hkràmnhwý ni mẽ hkwýjê mã mẽmoj jarênh nê hã kagà nê mẽ hwýr mẽnh anê. Nê mẽ kãm:

¹ Pa Jejus kôt ixtõx. Xà mẽ amex? E ot pa mẽ amã kagà nhĩpêx nê mẽ awýr kumê. Akrajaja nê apê mẽ hkatorxà mẽ mẽ ato ixpimràatã mẽ awýr kumê. Ixpê Juãw pigêtre na pa. Inhmã mẽ akĩnh nom papxipix inhmã mẽ akĩnh kêt. Mẽ pahpyrà nê mẽ kot Tĩrtũm kôt amnhĩ xunhwýr xwýnhjaja haxwýja kãm mẽ akĩnh. ² Mẽ pahte Tĩrtũm kapêr kôt ri amnhĩ nhĩpêx rãhã ho ri papa jakamã na pu htem pamã axpên kĩnh o ri papa.

³ Na pa hte mẽ pahto Měpanhĩpêêxà maati Tĩrtũm wỳr o ixpa nẽ kãm:

—Pa Tĩrtũm. Ot pa mẽ amnhĩ to awỳ. Akra Jejus Kris mẽ mẽ amnhĩ to war awỳ. Kêr ka wa mẽ ixkamã axukapĩ nẽ mẽ ixkutã war anojarêt rãhã ho ri apa. Nẽ tanhmã mẽ ixkrã hto pa mẽ ixamnhĩx ijamakêtkati nẽ ixkĩnh nẽ mẽ inhmã axpẽn kĩnh nẽ axpẽn to mex o ri axpẽn kôt ixpa. Nẽ tãm ri amnhĩ nhĩpêx. Anẽ.

Mẽ pamã axpẽn kĩnh kãm axpẽn to mex ã mẽ pamã karõ

Juāw 13.34-35; Wam Juāw 2.7-9, 3.14-18

⁴ Nẽ na pa pre akra hkwyjê pumu nhũm mẽ inhmã amnhĩ jarẽ pa mẽ kuma nẽ mẽ ỹ hã ixkĩnh nẽ. Na xep prem Tĩrtũm kôt amnhĩ xunhwỳ nẽ hkôt ri amnhĩ nhĩpêx mex o pa. Mẽ kot Měpanhĩpêêxà Maati Tĩrtũm kapêr ã kagà hkôt amnhĩ nhĩpêx ã inhmã amnhĩ jarẽ pa mẽ kuma nẽ ixkĩnh nẽ. ⁵⁻⁶ Jakamã na pa ã amã ixkapêr nẽ hã kagà anẽ. E kwa Kris kôt ixtõx. Kêr pu mẽ pamã axpẽn kĩnh o ri papa hã mẽmoj to axpẽn kutã panojarêt rãhã ho ri papa. ã ixujarênh anhỹrja nyw kêt. Amnepê mã mẽ ate Jejus kôt amnhĩ xunhwỳr ã arĩgrota ã na prem ã mẽ amã karõ anẽ. Tã kêr pu mẽ arĩ pamã axpẽn kĩnh pê Tĩrtũm kapêr piitã hkôt amnhĩ nhĩpêx mex o ri papa. Kapêr ã kagà kot ã mẽ pahte amnhĩ nhĩpêx anhỹr ã mẽ pamã karõ.

Tĩrtũm kapêr o mẽ hêx xwỳnhjê jarênh

Rõmãn 16.17-18; Wam Ximotre 5.22; Wam Juāw 2.18-26, 4.1

⁷ Nê mẽ kot Tĩrtũm kapêr o hêx o ri mẽ pa xwýnhjaja na mẽ ra ma krĩ piitã hkôt mẽ kãm tanhmã ho hêx to ho pa nê mẽ kãm:

—Jejus kêp Tĩrtũm Kra hkêt ãm mẽ panhĩõ na pre. Na pre Tĩrtũm mẽ pahwýr mênh kêt nê. ãm mẽ panhĩõ rũm na pre kato.

Anhýr o mẽ kãm ho hêx o pa. Kãm Kris kurê xwýnh maatija nhỹ hã na htem ã ri ho hêx o pa anê. ⁸ Jakamã kwa mẽ amnhĩ nê mẽ omunh mex nê mẽ ama nê ãm mẽ ama. Kot kaj mẽ kapêr ma nê mẽ hkôt ajamaxpêr hãmri nê mẽ ixte Tĩrtũm kapêr o mẽ ajahkreta kaga. Kwa mẽ arĩ mẽ ate amnhĩ nhĩpêx nyw pix o mãn amnhĩ nhĩpêx rãhã o ri apa. Nê arĩ mẽ amã axpên kĩnh kãm tanhmã axpên to ajuta hto rãhã ho ri apa. Kêr kê Tĩrtũm ja hã mẽ apumu nê nhýrmã mẽ ato mex nê. ⁹ Nom kot kaj mẽ nhãm mẽ kapêr punujja kôt amnhĩ nhĩpêx nê Kris kôt amnhĩ nhĩpêx kêt nê nhũm Tĩrtũm mẽ akôt pa hkêt nê. Nom kot ka mẽ arĩ Kris kôt amnhĩ nhĩpêx mex nê hãmri nhũm Tĩrtũm mẽ Kra Jejusja wa mẽ akôt ri pa ho pa rãhã nê. ¹⁰ Jakamã koja ã Tĩrtũm kapêr ã kagà kuhpa hã Jejus o hêx xwýnhjaja mẽmo arĩgro hã mẽ anhõ krĩ hwýr pøj ka mẽ omu nê amnhĩ nhõrkwỹ hwýr mẽ hwýr kêt nê. Nê tanhmã mẽ kãm akapêr to hkêt nê. ãm ri mẽ hkàx ã ri mra. ¹¹ No kot kaj mẽ ã mẽ hipêx anhýr kêt nê mẽ hwýr mra nê mẽ mar o akuhê hãmri nê te mẽ ate mẽ hkôt amnhĩ nhĩpêx o amnhĩ nhĩpêx pyræk. Ja pumaj kêr ka mẽ nhýri mẽ omu nê mẽ htêp kêt kumrêx.

*Kagà jatur xà
Hapuhã Juãw 13-15*

¹² E Kris kôt ixtõx. Ixkapêr jatur xà na ja. Ixkapêr ã kagàja ãm hakotre nom inhmã mẽ amã ixkapêr ry hprãm. Jakamã kot paj mẽmo arĩgro hã ma mẽ awÿr mō pu mẽ axpẽn pumu nẽ pahkĩnh nẽ. Pa rĩ kormã mẽ amã ixkapêr jatur xàm kumẽ ka mẽ aprĩ hã inhma.

¹³ Nẽ ota jar Kris kôt atõx krajaja awÿr hpêr mẽ. E ixpê Juãw pigêtre na pa ã awÿr kagàja nhĩpêx nẽ mênh anẽ.

Tĩrtũm kapēr ã kagà nyw **New Testament in Apinayé (BR:apn:Apinayé)**

copyright © 1999 Wycliffe Bible Translators, Inc.

Language: Apinayé

Translation by: Wycliffe Bible Translators, Inc.

Apinayé [apn], Brazil

Copyright Information

© 1999, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Apinayé

© 1999, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-21

PDF generated using Haiola and XeLaTeX on 21 Feb 2024 from source files
dated 29 Jan 2022

383a4e22-34cd-505f-9cc2-2f9921e7aa9f